

Ministro mr. Watty Vos

MONUMENTO 18 DI MAART MESTER TA SIMBOLO DI UNION ARUBANO

ORANJESTAD(AAN) -- Ministro di Husticia, mr. Vos, ayera na ocasion di develo di Monumento 18 di Maart, a duna di conoce cu a toca su persona e bunita honor di ricibi e bunita monumento aki den nomber di gobierno y pueblo di Aruba.

E mandatario a gradici e fundacion 18 di Maart pa nan trabao valioso caminda momentonan importante den historia di Aruba lo keda conserva pa e generacion aki y generacionnan di futuro.

Historia di Aruba a worde skirbi na hopi diferente forma. Tur tin sinembargo un elemento en comun, e historia ta bay tocante hendenan humilde cu den transcurso di tempo a sa di converti e baranca seco aki den e comunidad prospero y armonioso cu e ta awe.

Un comunidad di hendenan cu kier biba den paz. Hendenan cu solamente a lucha ora loke ta valioso pa nan a worde menaza of manera nos historia politico ta muestra, ora a nenga nan e posibilidad di construi un mihor futuro pa nan mes.

Segun Ministro Vos, historico politico di Aruba conoce un linea fiho y un continuacion di relacionnan personal di generacion pa generacion cu a determina e rumbo di nos isla.

E linea fiho den nos historia ta e ansha indominabel pa autonomia y soberania, e confianza den nos mes y e disposicion pa haci sacrificionan grandi pa logra nos metanan.

E confianza den nos mes, ta reconoce bon cla cerca e lideman grandi. Shon Henny Eman, Shon A. Eman y Betico Croes.

Mester agrega Juancho Irausquin cu tabata e persona cu a forma e base pa e economia di nos isla.

Nada por a para e personanan aki pa realisa e deseo di pueblo pa mancha su propio asuntonan. Pa pueblo di Aruba mes crea un mihor futuro. Pa no depende of worde dicta door di otro.

Ta e caracteristicanan aki tabata e forza continuo cu a haci cu Aruba a crece for di loke a ser yama e isla inutil pa bira e oasis di bienestar y estabilidad den e region cu e ta awe.

E mandatario a indica cu e ayudo di nos amigonan den y pafor di reino sigur a yuda.

Pero cuanto ehempel tin di paisnan cu a fracaza den nan desaroyo apesar di ayudo pa desaroyo amplio cu nan a ricibi.

Esaki ta demostra cu e desaroyo exitoso di un pais, ta depende di dos elemento esencial.

UNION y DETERMINACION. No obstante e discusionnan interno, fuerte cu tin biaha no mucho al caso ta e caracteristanan aki a haci e historia di desaroyo di Aruba e exito cu e ta y e ehempel cu Aruba a bira pa otro.

Den caso cu bo no ta kere den caracteristicanan cu ta tipifica un pueblo, tin un otro aplicacion pa e exito y determinacion di Aruba en busca di un mihor futuro pa tur su yiunan.

E mandatario a sigui bisa cu historia di Aruba ta un continuacion di relacionnan personal cu a pasa di generacion pa generacion.

Promer tabata Shon Cornelius Eman cu den epoca di cambio di siglo a halza su voz pa exige mihor condicionnan pa desaroyo di Aruba. Su yiu Henny Eman a sigui den su



pasonan y a protesta contra e hecho cu Aruba no tabatin voz y cu e pueblo Arubano tabata worde completamente negligish.

Shon A. Eman, na su turno a sigui su tata Henny. Shon A. Eman, cu un mihor educacion como abogado y ideanan nobo pero cu e mesun ansha indobinabel pa trece cambia den estructura estatal cu no tabata duna posibilidadnan pa

construi un desaroyo propio, Shon A. Eman a bira e lider nobo di pueblo di Aruba.

El a traduci e sentimentonan di e pueblo den idioma huridico y a haya e sosten unanime pa e mocion, pa e reconocimiento di e derecho pa autodeterminacion. El a haya oido pa e deseo di pueblo pa un Status Aparte pa Aruba den reino.

Ministro Vos a enfatisa cu

tabatin un comprendemento erroneo ariba e lucha di Aruba.

E lucha di Aruba hamas tabata un lucha contra un pueblo, sino un lucha contra un sistema.

Aruba tabata den un sistema cu no por a keda pasobra e tabata stroba e crecimiento especialmente economico, di e pais.

Esey tabata e lucha di Aruba pa separa su mes for di e otro islanan di Antiyas.

Ora e lucha a parce di a cay y hasta lubida, e lider carismatico Betico Croes, a lanta para y a tuma e bandera di lucha di Shon A.

Ta Shon A. Eman a introduci Betico Croes den politica y hunto cu e bandera, Betico Croes a tuma e ideal pa un Status Aparte pa Aruba.

Betico a sende den hopi hende e candela di e lucha atrobe. Ministro Vos a indica cu e tabatin e honor di funda e partido MEP hunto cu Betico na 1971. Mescos cu e otro lidernan grandi, Betico no a wak e realisacion di e

Sigui lesa pag. 9

DIAMARS 19 MAART 1996

Cont pag. 2

gratitud na tur politiconan Hulandes y Antiyano y tur otro hende cu di un of otro manera a contribui pa realisacion di Status Aparte y tambe na e schrapmento di articulo 62 for den statuut.

En especial gobierno kier a gradici politiconan Antiyano cu a tuma parti den e comision Mito y a coopera na e protocol cu a forma e base pa e conferencia di mesa rondo di 1983. Ta cu e cooperacion aki e Status Aparte a worde realisa.

E mandatario a expresa na su coleganan Arubano pa laga nan considera e monumento aki di avor pa dilanti como simbolo di union.

E mandatario a dirigi e siguiente palabranan na e politiconan di Aruba: "Pakico nos mester warda 18 di Maart pa nos braza otro. Pakico nos mester warda un desgracia tuma lugar pa nos expresa con nos ta stima otro y cuanto nos ta stima otro. Pesey laga nos laga e monumento aki bira e simbolo di e union Arubano

sea cual sea e origen di e persona cu ta biba ariba nos isla pa nos tur braza otro y biba manera un famia grandi".

anhelo di su pueblo.

Pero ata e berdadero lucha. E lucha pa un mihor futuro pa un y tur aki na Aruba, ta continua. E biaha aki ta e nieto di Henny Eman, e yiu di Shon A. y e yiu di Betico cu a tuma e bandera y e idealnan.

Mescos cu nan tatanan, nan ta traha hunto pa un prosperidad permanente y un estabilidad y seguridad pa Aruba. E soñonan di nan tatanan, nos heroenan nacional ta worde carga door di nan yiunan.

E historia remarcabel aki di Aruba, ainda ta worde skirbi tur dia cu e mesun caracteristicanan di antes cu ta tipifica e caracter Arubano cu ta esun di confianza den su mes y determinacion pa logra su metanan semper buscando union.

E mandatario a sigui bisa cu na e ocasion aki, caminda hepter reino Hulandes ta representa e kier a expresa den nomber di gobierno y den nomber di pueblo di Aruba, e